



Broj/Број:04/5-50-134-9/13
Sarajevo/Сарајево, 16.05.2013.

I n f o r m a c i j a

sa 83. Rose-Roth seminaru Parlamentarne skupštine NATO-a,
održanog u Tbilisiju, Gruzija, od 29.04 do 01.05.2013.

Na 83. Rose-Roth seminaru učestvovali su: Milorad Živković, predsjedavajući Delegacije Parlamentarne skupštine BiH u Parlamentarnoj skupštini NATO-a, Božo Ljubić i Asim Sarajlić, članovi Delegacije.

Učesnicima 83. Rose Roth seminaru su se u uvodnom dijelu obratili David Usupashvili-predsjednik Parlamenta, Bidzina Ivanishvili -premijer i Irakli Alasania-ministar odbrane Gruzije kao i Hugh Bayley-predsjedavajući NATO PS. Oni su prezentirali aktuelni trenutak Republike Gruzije gdje su se osvrnuli na aktuelnu političku i ekonomsku situaciju u zemlji, status reformi i put ka EU i NATO, odnosima sa susjedima te stanje u regionu.

Tokom prvog dana seminaru (29.04.2013.) razgovarano je stanju u zemljama južnog Kavkaza i euro-atlanskim integracijama. Posebna poglavlja i prostor u raspravi bili su posvećeni stanju u Gruziji, Armeniji i Azerbejdžanu. Vođena je rasprava o ekonomskoj i političkoj situaciji, energetske politici i borbi protiv korupcije u regionu južnog Kavkaza te ulozi zakonodavne i izvršne vlasti i civilnog društva u cjelini u rješavanju brojnih aktuelnih i otvorenih pitanja kako unutar zemalja regiona tako i sa susjedima.

Drugog dana seminaru (30.04.2013. godine) raspravljalo se o odnosima Ruske Federacije i Gruzije te planovima reformi i konsolidacije gruzijskog društva i države u cjelini. Prezentirani su pogledi predstavnika Ruske Federacije i predstavnika Gruzije iz čega se moglo vidjeti da su prisutna brojna otvorena pitanja u bilateralnim odnosima. To se posebno odnosi na prostore Osetije i Južne Abhazije gdje je evidentan niz problema oko kojih nema saglasnosti, a o nekim pitanjima ni dijaloga.

Isto tako razgovarano je o aktuelnoj političkoj situaciji u zemlji o čemu su prezentacije imali predstavnici stranaka parlamentarne većine i opozicije. Predstavnici Vlade Gruzije su prezentirali planove reformi, a ministar odbrane Irakli Alasania je posebno naglasio put Gruzije prema NATO gdje su posebno zanimljivi podaci o učešću pripadnika Oružanih snaga Gruzije u mirovnim misijama.

Trećeg dana seminara (01.05.2013.) razgovarano je o perspektivama regionalnog dijaloga sa posebnim akcentom na odnose Armenije, Azerbedžijana i Turske. Izlaganja su imali brojni eksperti, specijalizirani za ovaj region. Njihovo viđenje perspektive demokratskih promjena i stabilnosti regiona južnog Kavkaza su izazvali brojne diskusije i polemike iz kojih je vidljivo da je niz otvorenih pitanja za rješavanje u bilateralnim i regionalnim odnosima zemalja južnog Kavkaza i njihovog okruženja.

Informaciju sastavio:
Željko Grubešić

PREDSJEDAVAJUĆI DELEGACIJE
dr. Milorad Živković